

Mahai Nazionalak preso jarraitzea zenbateko intentsitateko indarkeria den galdetu du HBk

Espetxeratutako mahaikideak Gobernuaren «bahitu legalak» direla esan du Otegik

Asier Pz. de Karkamo / Gasteiz

Preso den HBko Mahai Nazionala libre uzteko eskatu zuten atzo Gasteizen alderdi abertzaleko kideek. Espetxeratzearen kontrako errekurtsoa aurkeztu zenetik urtebete baino gehiago igaro dela salatu zuten Arnaldo Otegik eta Xanti Hernandok, eta mahai nazionalakideak berehala askatzeko eskatu. Maria Jose An- duezaren osasunak txarrera jo duela jakinarazi zuten.

MAHAI NAZIONALAK espetxean segitzea zenbateko intentsitateko biolentzia den argitzeko galdegin zion atzo Arnaldo Otegik Espainiako presidente Jose Maria Aznarri. Herri Batasunako buruzagiaren aburuz, ezker abertzaleari egunero bortxakeria gaitzestea exijitzen zaion bitartean, Gobernuak biolentzia erabiltzen du, «bake proposamen bat zabaldu izanagatik» alderdi politiko bateko agintariak espetxean edukiz. Hori zein neurritako bortizkeria den galdetu zuen Otegik atzo Gasteizko Goiuri jauregian eginiko agerraldian.

HBko Mahai Nazionalaren espetxeratzea zela-eta errekurtsioa aurkeztu zenetik 14 hilabete igaro dira, eta Auzitegi Konstituzionalak oraintsu ekin dio errekurtsoa tramitatzeari, «euskal gizartearen gehiengoak Mahai Nazionalak zabalduetako izpi-



JOSEBA OLALDE

Xanti Hernando eta Arnaldo Otegi, atzo, espetxeratutako Mahai Nazionalari buruzko prentsaurrekoaren aurretik.

ritua bereganatu duen arren».

Otegiarentzat, preso diren mahaikideak «legalki bahituak» daude, «beren kondena politikoa izateaz gain, Konstituzionalak errekurtsoa aztertzeko «tempo politikoa» baitarabil, «tempo juridikoaren orde». Rafael Vera eta Jose Barrionuevoren auzia ekarri zuen gogora Otegik: haien kasuak Guinness marken liburuan agertu behar lukeela, «horren azkar tramitatu baitzen».

HBrentzat, Madrilgo Gobernuak eta PPK ez dute ulertzen euskal gizarteak «bakea

bai baina euskal demokrazian gauzaturikoa» nahi duela, eta hori oztopatzeko «errepresioa da hautatu duten ekinbide bakarra». Espainiako eta Frantziako estatuei deia luzatu zien Arnaldo Otegik Euskal Herria bakean utz dezaten, «euskaldunok munduko beste herriei zein motatako harreman politiko eta ekonomikoak nahi ditugun erabakitzeke».

Anduezaren osasunak txarrera egin du

Xanti Hernandok Maria Jose Anduezaren kasua nabar-

menduzuen. Langraizko espetxean preso den Herri Batasunako mahai nazionalakidea artritis reumatoideak eta hepatitis B-ak jota dago eta azken egunotan plaketa jaitziera aipagarria pairatu du. Andueza aztertu duten medikuen arabera, espetxean segitzeak aguraindarren gaitza areagotu besterik ez du egiten eta, berehala aske geratu ezean, «egoera itzulezina» gerta daiteke. Hori guztia dela eta, Txotxe Anduezari 92. artikulua aplikatzeko eskaera berretsi zuen HBren ordezkari Hernandok.

‘Bakeleku’ frontismoari aurre egiteko tresna gisa aurkeztu du Odon Elorzak

■ Aurrerantzean Kristina Enea «biktimen oroimenerako» lekua izango dela esan du

Agentziak / Donostia

DONOSTIAKO alkate Odon Elorzak *Bakeleku* proiektuaren aurkezpena egin zuen atzo. Alkate sozialistak azaldu zuenez, helburua «bakerako espazio berri bat» sortzea da, eta «alderdi politikoetatik haratago» doa. Izan ere, Elorzaren arabera alderdien interesetatik kanpo proiektua da Donostiako Udalak martxan jarri duena. «Alderdien blokeak eta frontismoak sortzen duten joko arriskutsu horrekin haustea da helburua», adierazi zuen.

Bakeleku-k Donostiako Kristina Enea parkean izango du kokagunea, eta Elorzaren ustez proiektu berri horrek izaera eman- go dio parkeari, «egun ez baitu izaera garbirik». Donostiako alkateak azaldu zuenez, espazio horrek, gainera, «biktimen oroimena errebindikatzeko» ere balioko du.

Kristina Enea parkea Donostiako Egia auzoan dago, eta 97.460 metro koadroko eremua da. Elorzak azaldu zuenez, proiektu berriarekin parkean hobekuntzak egingo dira: loretoiak konpondu, eraikinak berritu, eskulturak ezarri....

Kale istiluengatik epaitzen dituztenek jasaten duten babes eza salatu dute

■ Gurasoak taldeak mobilizazioak iragarri ditu martxoko lau epaiketarako

I. Olabarri / Bilbo

MARTXOAREN 2, 3, 8 eta 18an egingo diren epaiketetan hamar gazte epaituko dituzte kale istiluetan parte hartzearen. 2 eta 3an Portugaleteko zortzi gazte epaituko dituzte Barakaldoko entzategian, eta 56 urteko kartzela zigorra eskatu dute haien- tzat. 8an beste gazte bat epaituko dute Bilboko Epaitegi Probintzian eta 11 urteko zigor eskaerari egin beharko dio aurre. 18an, aldiz, 3 urteko zigorra eta 800.000 pezeta

eskatuko dituzte beste gazte batentzat epaitegi berean.

Gurasoek atzoko prentsaurrean azaldu zuten, fiskalek gazte horiei egozten dizkieten ekintzak eta eskatzen dituzten zigorrak ez datoz bat. Pilar Gilek fiskalen jarra- ra gogor salatu zuen, «espetxeratze prebentiboa eskatzen baitute kasu guztietan eta poliziaren bertsioa kon- tuan hartuz bakarrik».

Kasu askotan gazteei ekin- tzaren bat edo beste lepora- tzerakoan gorputz polizialek erabiltzen dituzten testigan-

tzak dira froga bakarra, gura- soek adierazitakoaren arabe- ra. «Ematen dituzten frogak izaten dira, esate baterako, adabaki beltzak dituen zira edo jaka urdina daramatela», adierazi zuen Gilek.

Atxilotutako gazteen arte- an asko geratzen dira aske, Gurasoek esan zuten. «Eta zigortzen dituztenei urtebete- ko zigorrak edo isunak jar- tzen dizkiete. Askotan atxilo- tuek zigorra negoziatu egin behar izaten dute, fiskalaren eskaerak hain handiak izan- da izutzen direlako».



XOUSE SIMAL

Gurasoek atzo Bilbon eskaintako prentsaurrekoa.

Epaileen jarrera ere gaitze- tsi zuten gurasoek atzoko prentsaurrekoan. Haien ustez, fiskalen jarrera eta polizien testigantzetan oina- rrituta neurritz kanpoko zigo-

rrak ezartzen dituzte. Hori dela eta, epaiketak egiten dituzten egunetan epaitegi bakoitzaren aurrean kartela- tuko direla iragarri dute Gurasoek.